

MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E A ESCOLA GALEGA DE ADMINISTRACIÓN PÚBLICA PARA A ORGANIZACIÓN DO CURSO DE FORMACIÓN DE PERSOAL INTERINO PARA O DESEMPEÑO DE POSTOS RESERVADOS A PERSOAL FUNCIONARIO DA ADMINISTRACIÓN LOCAL CON HABILITACIÓN DE CARÁCTER NACIONAL

(1) Antecedentes: Necesidade e oportunidade do convenio

Primeiro. Que, segundo o Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, a Dirección Xeral de Administración Local (en diante DXAL) é o órgano encargado da xestión das competencias que se lle atribúen á Xunta de Galicia en materia de Administración local e, en particular, a quen lle corresponde a elaboración dos programas formativos en materia de Administración local e, en particular, a execución das competencias que, con respecto aos/ás funcionarios/as con habilitación de carácter estatal, lle correspondan á Comunidade Autónoma de Galicia.

Por outra banda, a Lei 7/1985, do 2 de abril, reguladora das bases do réxime local, atribúe ás comunidades autónomas a competencia para levar a cabo os nomeamentos de persoal interino naqueles postos reservados a persoal funcionario da Administración local con habilitación de carácter nacional.

Para o exercicio desta competencia é de aplicación, no caso de Galicia, o Decreto 49/2009, do 26 de febreiro, sobre o exercicio de competencias da Comunidade Autónoma de Galicia respecto do persoal funcionario con habilitación de carácter estatal que, seguindo o marcado pola Constitución española, recolle a obriga de que a selección deste persoal se efectúe respectando os principios de igualdade, mérito, capacidade e publicidade, en consonancia co disposto no Real decreto 128/2018, de 16 de marzo, polo que se regula o réxime xurídico dos funcionarios de Administración Local con habilitación de carácter nacional.

Segundo. Que a Escola Galega de Administración Pública (en diante EGAP) é un organismo autónomo de carácter administrativo e unha entidade de dereito público con personalidade xurídica propia, que actúa con plena autonomía funcional para o cumprimento dos seus fins, mencionando a Lei 4/1987, do 27 de maio, pola que se crea a EGAP, entre os fins da Escola a formación, o perfeccionamento, a investigación, a documentación, o estudo e a realización de traballos de divulgación no campo da administración pública, promovendo á súa máxima difusión. Nomeadamente, correspóndelle a este organismo organizar e impartir cursos



selectivos de formación subseguinte ás probas selectivas, con excepción do persoal docente e sanitario.

No mencionado ámbito material, constitúe un dos seus obxectivos, segundo o artigo 3.1 h) da citada Lei 4/1987, do 27 de maio, o establecemento de convenios e a celebración de intercambios con organismos semellantes das Administracións Públicas, a nivel estatal e internacional.

(2) Obxecto

O convenio ten por obxecto a colaboración na organización dun curso de formación práctica (en diante CFP) que consta de tres (3) módulos descritos no anexo do convenio e que será realizado polas persoas integrantes das listas definitivas das bolsas para a selección de persoal interino para o desempeño de postos reservados a persoal funcionario da administración local con habilitación de carácter nacional nas subescalas de secretaría-intervención; secretaría, categoría de entrada; e intervención-tesourería, categoría de entrada.

(3) Finalidade

A DXAL e a EGAP, para a organización e a convocatoria do CFP adquiren o compromiso de colaborar na organización e desenvolvemento do CFP, de acordo co sinalado na cláusula terceira do convenio.

(4) Impacto económico

Para o desenvolvemento das actuacións previstas no convenio a EGAP colaborará coa posta a disposición das súas instalacións, dos seus medios telemáticos e dos seus medios persoais e materiais.

A DXAL colaborará economicamente coa achega dun importe de SETE MIL NOVECIENTOS CINCUENTA EUROS (7.950,00 €), que será obxecto de retención de crédito para a súa posterior baixa nas aplicacións orzamentarias relacionadas a continuación:

Aplicacións	Importe
35.04.141A.213	4.600,00
35.04.141A.215	1.675,00
35.04.141A.216	1.675,00
TOTAL	7.950,00

Dirección Xeral de Administración Local
Consellería de Presidencia, Xustiza e Deportes
Rúa Madrid 2-4, 2ª planta (Fontiñas)
15781 – Santiago de Compostela
T. 981 546 579
administracionlocal@xunta.gal
www.xunta.gal



Estas retencións de transferencia de crédito, financiarán a ampliación de crédito nos orzamentos da EGAP no concepto orzamentario 07 81 122B 226.17, aparellada á modificación orzamentaria na Consellería de Facenda e Administración Pública, por ser a sección á que está vinculada a EGAP.

(5) Carácter non contractual

As actividades que se desenvolvan ao abeiro do convenio non terán carácter contractual.

(6) Vixencia

Para os efectos sinalados, a Consellería de Presidencia, Xustiza e Deportes e a EGAP formalizarán o instrumento convencional arriba referido por un período de vixencia que abrangue dende a data da sinatura por todas as partes ata o 31 de decembro do 2024, salvo denuncia de calquera das partes antes do seu termo.

Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, do 8 de novembro, de Contratos do Sector público, con independencia de que, ao abeiro do previsto no artigo 4 da citada norma, lle sexan de aplicación os principios da mesam para resolver as dúbidas e lagoas que se poidan presentar.

Santiago de Compostela, na data da sinatura electrónica

A directora xeral de Administración Local

Natalia Prieto Viso
(con sinatura electrónica)

